


B. C. D.
 DISSERTATIO LOGICA
 DE
LOGICES
 AMPLITUDE,
 CUJUS
 PORTIONEM SEPTIMAM
 SVB PRÆSIDIO
 DN. JOHANNIS JACOBI
 WITTERI,

Logices & Metaphysices Professoris Publici
 Ordinarii & Capituli Thomani Canonici,

d. 25. Januarii M DCCXXXVII.

SOLENNI PLACIDÆQUE CENSURÆ
 submittit

JOHANNES MICHAEL ZENTGRAFF,
 Argentoratensis.
 Horis Locoque solitis.



ARGENTORATI,
 Typis, MELCHIORIS PAVSCHINGERI, Typogr.



51

VIRIS

*Magnificis , Nobilissimis , Amplis-
simis , Prudentissimisque*

DOMINO

JOH. CHRISTOPHORO
REICHARD,

Illustris Collegii Tredecimviralis Civitatis Argento-
ratenfis Assessori Splendidissimo, Universitatis Scholarchæ
Meritissimo,

DN. JOH. GERHARDO
à STOECKKEN,

Jcto & Civitatis ejusdem Quindecimviro
Gravissimo,

COLLEGII WILHELMITANI

PRÆFECTIS MUNIFICENTISSIMIS.

Venerando itidem Ejusdem Collegii

DNN. VISITATORVM ORDINI

ATQVE

DN. INSPECTORI

NEC NON

VIRIS

*Generis, Virtutis, Dignitatis & Meritorum gloria
ac splendore maxime conspicuis,*

V I R O

Nobilissimo, Amplissimo, Experientissimo atque Excellentissimo

DN. JOH. SALTZMANNO,
MEDICINÆ DOCTORI,

Pathologiæ in Universitate Argentoratensi Professori Publico Ordinario longe Celebrissimo, Capituli Thomani Canonico Seniori Meritissimo, atque Acad. Imperial. Nat. Curios. & Societat. Reg. Berolinensis Sodali

Gravissimo,

Suo è Sacro Baptismatis fonte Ἀναδ' ἔχει ad aras usque suscipiendo.

V I R O

*Nobilissimo, Amplissimo, Consul-
tissimoque*

DN. JOH. NICOLAO
KEMPPFERO,

Jcto & Satrapæ Dotlisheimensis, aliorumque
Alfatæ locorum Præfecto dexterrimo.

VT ET
V I R O

*Plurimum Reverendo, Præclaris-
simo atque Doctissimo*

DN. JOH. DAVIDI
KARCHERO,

Evangelici Gregis, qui Deo in Templo Prædicatorum
colligitur, Diacono dignissimo, animæque suæ
Curatori vigilantissimo.

*DOMINIS SUIS, PATRONIS
ATQUE FAUTORIBUS*

Omni observantia & honoris cultu perpetim profe-
quendis,

PHILOSOPHICAM HANC DISSERTATIONEM
IN DEVOTI ANIMI TESSERAM
SACRAM ESSE VOLUIT

Alumnus & Cultor Devotissimus,
JOH. MICHAEL ZENTGRAFF;
Argentoratensis.



§. I.

Lertius, qui inter *Socraticos*,
 ceu novæ Sectæ conditor,
 celebratur, EVCLIDES ME-
 GARICVS fuit, (1) cujus
 Sectatores cognomine, à patria ejus de-
 sumto, inclaruerunt. (2) Neque vero
 hic *Socrati* adeo firmiter adhæsit, quin
 & alios consuleret. Arriserunt ei *Elea-
 tiorum* inprimis placita; namque DIO-
 GENES LAERTIVS (3) memoriæ prodidit,
 eum PARMENIDIS studiosissimum fuisse,
 imo CICERO (4) XENOPHANEM, cui Elea-
 ticæ scholæ origo adscribitur, disciplinæ

A

Me

Megaricæ principem, aliorum inductus auctoritate, facit. Testimonio hoc & doctrinarum consonantia PETRVS GASSENDVS (5) & PETRVS BAEIVS (6) freti, verosimillima ratione existimant Eleaticorum sectam ab EVCLIDE fuisse continuatam.

(1) *Socraticis Euclidem adscribit Diogenes Laërtius II, 107. Strabo Geograph. IX, p. 271. Stephanus Byzantinus de Urbibus v. Mizeæ. Aulus Gellius Noct. Attic. VI, 10. Decreto, inquit, suo Athenienses caverant, ut, qui Megaris civis esset, si intulisse Athenas pedem prebensus esset, ea res ei homini capitalis esset, tanto Athenienses odio flagrabant finitimorum hominum Megarensium. Tum Euclides qui indidem Megaris erat, quique, ante id decretum, esse Athenis, & audire Socratem consueverat, postquam id decretum sauxerunt, sub noctem, cum advesperasset, tunica longa muliebris indutus, & pallio versicolore amictus & caput rufa velatus, domo sua Megaris Athenis ad Socratem commeabat, ut vel noctu, aliquo tempore, consiliorum sermonumque ejus fieret particeps: rursusque, sub lucem, millia passuum paulo amplius viginti, eadem veste illa tectus, redibat. Plato initio Theætetī Euclidem se sæpius Athenas profectum & ex Socrate profecisse narrantem inducit. Memorat insuper Laërtius II, 106, ex Hermodoro, Platonem, reliquosque philosophos, defuncto Socrate, metu atrocitatis Tyrannorum compulso, ad Euclidem confugisse.*

(2) *Ascleas ejus Megaricos fuisse dictos testis est Diogenes Laërtius II, 6. Aristoteles Metaphys. IX, 3. Cicero, loco mox citando. Strabo l. c. Laërtius, Divin. Instit. III, 12. alii.*

aliquæ. Secta ipsa ab Auctoris patria *Megarica* appellata fuit. conf. præter alios *Galenus*, vel quisquis Auctor est libri de Historia philosophica, inter ejus opera extantis, c. 3.

(3) Il. 106. ἔγχευε γὰρ τὰ Παρμενίδειον μύθημα.

(4) Acad. Quæst. Lib. II. p. 1045. *Herillus*, cum *Zenonis* auditor esset, vides quantum ab eo dissenferit, & quam non multum à Platone *Megarici*, quorum fuit nobilis disciplina, ejus, ut scriptum video, princeps *Xenophanes*, quem modo nominavi : deinde eum secuti, *Parmenides* & *Zeno* : itaque ab his *Eleatici* philosophi nominabantur. Post *Euclides*, *Socratis* discipulus, *Megarens*, à quo iidem illi *Megarici* didici.

(5) T. I. Opp. p. 40.

(6) Diction. Hilt. & Crit. v. *Euclide*.

§. 11.

Maneat tamen per nos licet in *Socraticorum* consortio *EVCLIDES*, ob illam ipsam convenientiam, quæ his cum *Eleaticis* intercessit. Haud exiguam constituit Dialogistica & ad Sophisticam atque Scepticismum inclinans differendi ratio, quæ utrique placuit parti. (1) Dialogi in *Eleatica* Schola reperti, & à *Socrate* commendati, *EVCLIDI* quoque non displicuere; *DIOGENESENIM LAERTIUS* cum sex dialogos conscripisse testatur.

A 2

(2)

(2) In ipso disputandi modo *Socrates*, *Pirastam* agens, interrogabat semper, respondebat nunquam; (3) Eleatici (4) quoque rogabant, ita tamen, ut & respondendi praecepta traderent, eosque hac in parte, relicta *Socratis* sententia, secutum fuisse *EVCLIDEM* cum asseclis ex *DIOGENE* (5) discimus. Quin imo ali-
quale divorium à *Socrate* adhuc vivente *EVCLIDEM* jam fecisse apud *EVNDEM* (6) legimus, dum *Eristicum* seu contentiosum sermocinandi genus, ab Eleaticis inventum, (7) vehementer sectatus, id-
eoque à *Socrate* reprehensus fuisset.

(1) Conf. Diff. V, 5, 11, & 12. IV, 10.

(2) II, 108. Apud *Diogenem Laërtium* IX, 13. hæc lego: *Ἦτος καὶ τὸ Σωκράτους αἰδὼς τῶν νέων ἀπὸ τοῦ ἰδέναι.* hic primus fuit, qui ea diffinitis methodo, qua postea *Socraticis* arripit. De *Protagora* sermo est, qui Eleaticorum placita arripuit principemque inter *Sophistas* locum occupavit.

(3) Diff. V, 11, 12.

(4) Diff. V, 5.

(5) II, 106.

(6) II, 30.

(7) Diff. IV, 9.

§. III.

Propter hoc Eristicum atque Contentiosum disserendi artificium, quod, uti mox videbimus, à Megaricis magis fuit exculum, *Eristicorum* seu *Litigiosorum* nomen eorum scholæ eminenter inhæsit, (1) & Schola ipsa *Eristica* dicta fuit; (2) ac speciatim post reliquos Socraticos, de EVCLIDE TIMON PHILIASIVS apud LAERTIVM (3), eum contentionis rabiem in civitatem Megarensium invexisse observavit. Ob studium vero, de quavis re in utramque partem ex æquo disputandi, *Dialecticorum* quoque nomine insignitos eos fuisse LAERTIVS (4) tradit. Magni hoc ingenii opus erat, & inprimis de EVCLIDE GALENVS (5) memorat, eum nulli Socraticorum ingenii vi celsisse.

(1) DIOGENES LAERTIVS II, 106. Supra Diff. IV, 9. vidimus *Aristoclem*, apud *Eusebium*, *Xenophanem* Eristicorum principem facere; Eadem tribuit *Zenani Eleata Galenus* de Hist. Philof. c. 2. his verbis: Ζήνων ὁ ΕΛΕΑΤΗΣ τῶν εἰς τὴν (lege Εἰς τὴν) φιλοσοφίαν

φίλος ἀρχὴς μνημονεύεται γιγνόντος. Zeno Eleates Contentiosa philosophia princeps memoratur; Ejusdem artis inventionem Protagora adscribit Laërt. IX, 52. sed optimam *Protagora* de Settis Philosoph. XI, 3. conciliationem attulisse videtur, existimans, *Zenonem* (addimus *Xenophanem*, *Protagoram*, &c.) primum tales contentiones movisse, *Euclidem* vero eas promovisse atque auxisse.

(2) vid. *Galenus* loco mox citando num. 5. Ob eandem rationem *Diogenes Cynicus* *Euclidis* Scholam non *χολόν* sed *χολόν*, *bilem* appellavit, teste *Diog. Laërt.* VI, 24.

(3) II, 107. verba huc spectantia hæc sunt :

ἰδ' ἐπιδάσκω
Εὐκλείδης Μεγαρεῦσιν ὅς ἐμβαλεῖ λύσσαν ἱερῶν,
neque litigiosæ

Euclidis, qui Megarensibus contentionis rabiem innoxii.

(4) II, 6. ubi tradit *Dionysium Carthaginensem* primum fuisse, qui Megaricos ὄνομα tandem *Dialekticos* cognominavit, διὰ τὸ πρὸς ἑαυτοῖς καὶ ἀπ' αὐτῶν τὰς λόγων διατίθεσθαι. Sensus horum verborum duplex esse potest: primo, eos in disputando non solum, more *Socratis*, tentasse seu interrogasse, sed & responsiones admisisse; deinde, eos in declamationibus, more *Sophistæ* familiari, cuius orationi contrariam seu responforiam subjunxisse. Conf. Laërt. IX, 51. & 52. Cæterum quocunque modo *Laërtii* verba interpreteris, *Dialecticorum* cognomen jure meruerunt. Conferri insuper, circa *Dialecticorum* cognomen, hic possunt quæ *Diff.* I, 5, 5. not. 4. & 5. à nobis fuerunt disputata. Locis ibi allegatis addi jam poterit *Galenus* de Hist. Phil. c. 3. ubi de cognominibus Philosophiæ agit: ἡ δ' ἀπὸ μέρους τῆς φιλοσοφίας, ἡ μάλιστα ἐπιδιδύσκουσα, ὅς διαλεκτικῶν partim cognominata est à parte aliqua philosophia, cui præ cæteris operam dederunt philosophi, ut *Dialektika*.

(5)

(5) Hist. Philos. c. 2. Locum græce sic exhibet editio Renati Charterii; ἀλλ' ἔδὲ τῶν Μεγαρικῶν Εἰρηκῶν διὰ καὶ παρὲν. ὡς τῶν Σωκρατικῶν, ἔδιδε δούτοιο τὴν διάνοιαν γεγονόσ. Nemo non videt, locum hunc, ut plurima alia hujus scriptoris, librariorum incuria truncatum, hoc fere modo restituendum esse: ἀλλ' -- παρὲν δὲ ἄρχαν Εὐκλείδου, ὡς τῶν Σωκρατικῶν κ. τ. λ. neque fas est Megariorum successionem, Eristicam dictam, silentio prætere, cujus auctor Euclides, unus ex Socraticis fuit, qui ingenii vi neminem ante se reliquit.

§. IV.

Cæterum forsitan non tam insanus ille contradicendi pruritus in causa fuit, cur Eleaticæ Scholæ EVCLIDEM adscripserit CICERO, quam ratio dogmatum ipsorum, à se ipsis parum discrepans. Equidem haud ignoro, moris id esse plebisque antiquorum auctorum, quorum pauci sectarum veterum dogmata, quæ fas fuit, diligentia scrutati sunt, ut conjungant eos sententiis, quos iisdem verbis usos fuisse vident; quum tamen opinionibus interdum vehementer distent, quibus eadem in ore verba sunt; (1) quod si

fi tamen universæ Megaricæ disciplinæ ambitum simul complectemur , atque cum Eleaticis somniis comparabimus , utrosque eadem chorda oberrasse deprehendemus , & hinc infucatum de Megaricorum circa Logices amplificationem conatibus judicium feremus.

(1) Conf. Vir Summus *Joh. Laurentius Mosheim* in notis ad *Radulphi Cudworthii* Systema intellectuale pag. 462. V. C. *Jacobus Brucker* in *Otio Vindelico* p. 85. seqq. & Doctiss. *Samuel Werenfelsius* de Logomachiis eruditorum c. 5.

§. V.

Scilicet disciplinæ Eleaticæ conditor cum asseclis omnia nonnisi Unum esse , & certum de rebus judicium afferri non posse asseruit ; (1) Parum vero vel plane non ab hac sententia recessit *EVCLIDES*, affirmante enim *DIogene LAERTIO* (2) Bonum esse Unum dixit , multis nominibus celebre ; aliquando Deum , alias mentem appellari , & sæpe aliis quoque voca-

vocabulis ; quæ vero bono adversa videntur, sustulit, ea, ne esse quidem, dicens. Conferri cum hoc poterunt CICERO (3), & qui sua ex hoc mutuatus est, LACTANTIUS. (4)

(1) Fuisse hoc superioribus Dissertationibus IV. & V. demonstratum fuit.

(2) Verba ejus græca ex lib. II. §. 106. hæc sunt: ἔτος ἐν τῷ ἀγαθῷ ἀποφαίνετο, πολλοῖς δόγμασι καλούμενον ὅτι μὴ γὰρ φέρονται, ὅτι δὲ οὐκ, καὶ ἄλλοι τῶν, κ. τ. λ. τὸ δὲ ἀπικείμενα τῷ ἀγαθῷ εἶναι, μὴ εἶναι φέρονται.

(3) Academ. Quæst. lib. II. p. 1045. ubi notanter Eleaticos cum Euclide conjungit, Eleatici, inquit, post Euclides, id bonum solum esse dicebant, quod esset Unum & simile & idem semper.

(4) Divin. Instit. III, 12. Merito ergo philosophorum non obscurus Euclides, qui fuit conditor Megaricorum disciplinæ, dissentiens à cæteris, id esse summum bonum dixit, quod simile sit & idem semper.

§. VI.

Equidem RADVLPHVS CVDVVORTHVS (1) existimat EVCLIDEM, ex Xenophanis & Parmenidis mente, de Deo hæc omnia dixisse. Hunc bonum sive ipsam bonitatem vere ac proprie vocari
B debere

debere contendisse ; hunc idem , hunc unum , hunc simile , hunc semper esse putasse ; hujus denique compos & similis qui evaderet , cum demum vere beatum & felicem appellari posse. Cæterum , aut omnia nos fallunt , aut venenatus Pantheismi , aut non multum differantis speciei serpens in herba illa latet ; (2) quod fufius demonstrare possemus , si Metaphysices Historiam conscribendam in nos jam suscepissemus. Quicquid sit , idem , quod supra (3) de *Xenophane* iudicium tulimus , audenter hic repetimus , & in eadem scaturigine Sophismatum , quibus Megarici scholam suam conspurcarunt , originem haud temere quærimus.

(1) System. intellect. p. 478. edit. Mosheim. Eandem fovet sententiam Vir doctissimus *Gottlieb Stollius* , in Historia doctrinæ moralis Ethnicorum , lingua Germanica edita §. 97. p. 70.

(2) *J. Fr. Buddeus* Thes. de Atheismo c. 1. §. 27. *Megarici* , inquit , cum ex Socratica disciplina nihil præter acumen disputandi retinuisent , cavillationibusque logicis tori dediti offens , ad Atheismi facile progredi sollicitiam poterant.

(3) Diff

(1) Diff. IV. §. 10. P. *Gassendus* de Log. Orig. c. 3. non diffitetur, *Euclidem* sibi videri maxime ad *Zenonem* & *Protagoram* deflexisse, artemque illam à *Zenone* & *Protagora* inventam conscriptamque Successores ejus eximie calluisse. Et jam ante eum *Petrus Ramus* Schol. Dialect. l. 5. p. 15. *Euclides*, inquit, *Megaricus* totaque ejus successio & secta *Logicam* in primum arripuit, sed *Parmenideam* illam *Zenoniam*, nonnihil *Sophisticam*.

§. VII.

Antequam vero ad litigiosum illud atque sophisticum disputandi genus accedamus, instituti nostri ratio postulat, ut de *Methodo disputandi Megarica*, cujus inventionem vel ulteriorem culturam *Euclidi* tribuunt, aliquid exponamus. Nititur omnis de ea re disquisitio *Diogenis Laertii* (1) testimonio, qui *Euclidis* sententiam sic exprimit: ταῦς ἀποδείξεις ἐνίστατο, ἢ κατὰ λήμματα, ἀλλὰ καὶ ἐπιφοράν. quæ verba sic latine reddi possunt: (2) *argumentationes non impugnavit negando sumtiones sed ex conclusionibus absurdas consequentias inferre studuit.*

(1) ll. 107.

(2) Omnis cardo in hoc consistit, ut quid ἀπὸ διζήσε, ἰσότητος, ἀλήθεια & ἐπιφορά significant, evolatur. Ἀπὸ διζήσε non modo sumitur pro perfecto Demonstrationis systemate, aut etiam Syllogismo, qui ex certis atque indubitatis principiis conclusionem infert; sed & pro quavis argumentatione, qua rei ignotæ notitia quovis modo acquiritur. Posteriores hanc significationem intendit Cicero L. II. Academ. Quæst. p. 1032. a. ita scribens: *Argumenti conclusio, qua est Græce ἀπὸ διζήσε, ita definitur: ratio, qua ex rebus perceptis ad id, quod non percipiebatur, adducit. Argumenti conclusionem* hoc loco non præcise denotare propositionem illam, quæ ex præmissis infertur, & *Conclusio καὶ ἐξ ὧν* dicitur, ex scopo Ciceronis, quem in allegato libro sibi præfixerat, recte colligit Job. Casp. Gnsiberus in Diss. de Modo disputandi Megarico, Jenæ habita 1707, p. 6. *Εἰσότης* denotat *oppo- nere* seu *impugnare*; quemadmodum & ἑρσασίς idem ac *oppositio* est. Vocabula hæc, disputantibus familiaria, cum alibi sæpius, tum apud *Sextum Empiricum* adv. Mathem. XI, 13, 14. hoc sensu occurrunt. *Hesychius*: *Ερσασίς, ἀνταγωνισμός*. *Ερσασίς, ἐξ ὧν ἰσότητος καὶ μὴ ἀπὸ διζήσε*. Patet ex hoc loco vehementem pugnam hac voce denotari; atque non incongrue ad Megaricos eam fuisse applicatam, ex sequentibus palam fiet. Idem: *Εὐὶ σαδία, ἢ τῇ συστάσει μάζα, ἰσότητος*. † *Εὐ ἰσότητος*, ita commata, in editis male coheræntia, distinguenda sunt. Respexit *Hesychius* locum *Homeri Iliad. H. 240. Ἀλήθεια & Ἀλήματα propositionem in genere, vel propositionem majorem, interdum & utramque præmissam designare ex sequentibus locis patebit. Diogenes Laërtius VII, 76. Ἀλῆος δὲ ἔστι τὸ συνιστῆναι ἐκ ἀλήματος ἢ ἀλημάτων, καὶ προσάφῃς, καὶ ἐπιφοράς*. *Sextus Empiricus Pyrrhon.*

hon. Hypotypof. II, 135. Εἰς ἢ ἡ ἀποδείξις λόγος, δὲ
 ἡμελοζυμένων, κατὰ συνταγωγὴν, ἐπιφορὰν ἐκκαλύπτων ἀδύλον.
 vel sic : λόγος ἐστὶ σύνθεμα ἐκ λήμμάτων καὶ ἐπιφορᾶς. adda-
 tur *Idem* adv. Mathem. VIII, 301. Eadem innuit *Cicero*
 de Divinat. lib II. his verbis : *Sed demus tibi istas duas*
sumptiones, ea, quae lēmματα appellant Dialectici. Επιφορὰν
 denique conclusionem denotare omni caret dubio.
 Hec vox in Schola Eleatica seu Megarica nata vide-
 tur, quam postea Stoici ut propriam sibi vindicarunt,
 observante doctissimo *Joachimo Kübnie* nostro in notis
 ad *Diog. Laërt. Aristotelis* ejus loco συμπέρασμα placuit,

§. VIII.

Sententia huc redire potest : *EVCLIDES*, Sectam Eleaticam secutus, nihil
 præter opinionem admisit, (1) adeoque
 ad ἀποδείξεις seu argumenta atque præten-
 sas ab aliis demonstrationes ita respondit,
 ut omissis præmissis, veritateque aut
 falsitate earum non examinatis, tantum
 conclusionem arriperet, atque ex ea ab-
 surdum deducere allaboraret. Utram-
 que enim vel alterutram præmissarum
 aggressurus contrarium principio princi-
 pium ponere debuisset, atque sic certi
 aliquid statuisse videri potuisset, quod

e re sua non fore existimabat. (2) Illa autem tempestate, qua ars categorice concludendi nondum fuit usitata, per dilemmata differebant; ergo, duarum sumtionum vel oppositione vel sufficienti partium enumeratione non examinatis, ex conclusione, quæ inde deducebatur, absurdum quoddam elicere tentabant. e. g. in decantato *Antisthenis* dilemmate: *Sive pulchram ducis uxorem, sive deformem; Si pulchram, communis multorum erit; si deformem, quotidianum habebis supplicium, Ergo, nulla est ducenda;* EVCLIDES contra sumtiones nihil movisset, sed incommoda ex conclusione resultantia urssisset τὸ Ergo, Ergo, usque ingeminando, donec adversarium de sumtionum imbecillitate & defectu convicisset, atque sic ostendisset, uxorem utique esse ducendam. (3)

(1) *Sextus Empiricus* Pyrrh. Hypot. II. 8.

(2) *Petrus Ramus* Schol. Dialect. I. 5. p. 15. ad verbum sic reddidit: *Demonstrationibus insistebat Euclides, non scilicet*

secundum sumptiones, sed secundum illationes. P. Gassendus de Log. Origine c. 7. ita Laërtii mentem exprimit : Solebas Euclides ceterorum demonstrationes non sumptionibus impugnare, sed conclusionibus duntaxat, nimirum quasi consequutiones forent satis perspicua, illationes congererat, Ergo, Ergo, Ergo, quæ arguendi ratio, quasi respirare non sinens, est omnium urgentissima. In eandem sententiam V. C. J. J. Syrbius Instit. Philos. ration. præf. §. 11. Euclides, inquit, aliorum demonstrationes seu sententias non sumptionibus impugnatas solebas, sed conclusionibus, ut ex iis varia derivaret incommoda. V. C. J. G. Walchius Hist. Log. quæ extat in Parergis Academicis p. 509. Existimamus, inquit, Diogenem Laërtium significare, quod moris fueris apud Euclidem aliorum sententias ac conclusiones confutare non per contraria principia, sed per conclusiones, quæ continebant varia incommoda. Cæterum mentem suam viri docti, pace eorum dixerim, non satis clare expressisse mihi videntur. Versio, quæ in editione Meibomiana compareret, Laërtii verba sic exponit : Utebatur probationibus, non his quæ per assumptionem, sed quæ per conclusiones sunt. Oedipus itidem, non Davus sit, qui hæc intelligat. Aldobrandinus ita vertit : Argumentorum conclusiones non sumptionibus sed conclusionibus refellendis oppugnabat. Displicet hæc translatio Petro Belio, quare in Dictionario suo Historico-Critico art. Euclide, La version, inquit, d'Aldobrandin ne vaut rien ; il a beau citer Cicéron, qui a remarqué, que le mot ἀπόδειξις signifie argumenti conclusio, & que le mot ὑπόθεσις signifie Sumptio : il ne persuadera jamais, qu'il y ait du sens dans ces paroles : combattre les conclusions des arguments non en refusant les propositions, mais en refusant les conclusions.

(3) Sophistæ, ut adversarium faciliiori negotio illoquearent, interrogationibus plerumque uti solebant. Liceat illustrationis gratia exemplum ex Hermogene de Rat,

Rat. inven. Orator. Lib. IV. p. 179. ed. *Sirm.* afferre : *Utrum interfuisti bis , quæ fiebant , & cum aliis letatus es , an vero non aderat ? Si enim respondeat : adfui & collatus sum ; habet Orator , quod dicat : cur igitur hos accusas quibuscum tu in eadem letitia fuisti ? Si vero dicat : non aderam ; occurrì ei poteris , quod parva & multa dignus sit , cum viris fortibus in re publica non adfueris .*

§. IX.

Dilemmaticam EVCLIDIS differendi rationem præcipue confirmat LAERTIVS , (1) narrans , eum disputationem , quæ per similitudinem fit , sustulisse , dicentem , eam aut ex similibus aut dissimilibus constare ; si ex similibus , circa ipsa potius , quam quibus sunt similia , versati rationem debere ; si autem ex dissimilibus , supervacaneam esse comparationem .

(1) II, 107. Eum commendatam præceptori *Socrati* doctrinam Similium frivolo admodum argumento sustulisse judicat *Kekermann* T. I. Opp. p. 101.

§. X.

Et hæc fere sunt , quæ de methodo disputandi Megarica , tempore EVCLIDIS usita .

usitata, reperire licet; unde sequentia
 eruiamus porismata: *Primo* methodum
 per Syllogismos Categoricos disputandi
 EVCLIDIS tempestate vel nondum in-
 ventam, vel ab eo adhibitam non fuisse,
 eique argumentationem per Dilemmata
 placuisse. *Secundo*, cum non ad mem-
 bra ipsa, ex quibus Dilemmata constant,
 sed tantum ad conclusionem, ex iis de-
 ductam, respexisse & absurdas inde con-
 sequentias colligere tentasse. *Tertio*,
 sublato veritatis criterio, Opinionem
 tantum admisisse, eamque non solum ad
 ea, quæ sensuum auxilio comprehendimus,
 sed & ad iudicia nostra extendisse,
 eorumque imbecillitatem ut ostenderet,
 ad Sophismata confugisse, quorum lar-
 gam ab affectis ejus copiam inventam
 fuisse legimus. (1) EVBVLIDES enim, qui
 ex ejus successione fuit, plurimos in dia-
 lectica modos interrogandi tradidit,
mentientem, fallentem, electram, cooper-
 C *tum-*

tum, soritem, cornutum, calvum. (2)
Ex ludo ejus manavit ALEXINVS, cujus
itidem contorta & aculeata sophismata
memorantur, & qui ob nimium circa
fallaces conclusiunculas studium *Elen-*
xinus cognominatus est. (3)

(1) *Aristoteles* Metaphys. IX, 3. contra Megari-
cos disputat, dicentes, nec potentias præcedere un-
quam tempore suos actus, nec etiam eos subsequi, sed
tum solum dari in rerum natura, cum actu operan-
tur. conf. *Petrus Fonseca* Comment. ad h. l. T. III. p. 619.

(2) Conf. *Diog. Laërt.* II, 108. add. *P. Gassendus*,
de Orig. & variet. Log. c. 3. & *J. G. Walchi* Hist. Log.
p. 510. seqq. argumenta illa captiosa illustrantes.

(3) *Diog. Laërt.* II, 109.

§. XL

Concludimus hinc Megaricos studio
altercandi aliisque fallacias struendi fuisse
deditos, seque contentionibus non in
gratiam veritatis, sed pravarum affectuum
libidinem tradidisse. Colligimus inde
porro, quam rudia fuerint tempore Me-
garicorum Artificialis Logicæ initia, quam
frequens ab ipsius incunabulis extiterit
ejus depravatio, & quam exiguum in
Scho-

Schola hac amplificationem & amplitudinem veri nominis Logica acquisiverit. (1)

(1) Conf. *J. G. Walchius* Hist. Log. p. 513. & p. 806.

§. XII.

Quæ cum ita sint, dissertationum Socraticarum pomœria utcunque quidem circumscripsit JOHANNES CLERICVS; (1) Megaricorum vero sectæ addictorum, atque à præceptore SOCRATE haud multum abhorrentium, differendi peritiam à recentioribus quibusdam nimis fuisse extensam, lubens fatebitur, qui veritatem historicam, pro duce supra à nobis assumptam, sectatur. Morem sequuntur, multis Eruditorum familiarem, qui vel propria cogitata Veteribus eo libentius suggerunt, quo facilius sub eorum umbra se latere posse existimant; vel ingenii luxuriantis æstu abrepti prisccorum male cohærentia placita in artis formam redigere conatur, ut antiquitati suum servetur pretium.

(1) In Logica P. IV. c. 9. exemplo disputandi ex *Platone* (præsupposito *Socratem* eodem modo disseruisse) allato, sequentes exhibet regulas: 1. Jubet eum, qui ea methodo usus est, ita se gerere, quasi ab eo, cum quo res ipsi est, vellet id, de quo certatur, discere. 2. Priusquam quid objicere aggredimur, oportet nos eum, cum quo loquimur, si utatur verbis obscuris, interpretationem rogare. Si tandem eo pervenit, ut clare, quod vult, efferat; oportet eum rogare de doctrinæ omnibus partibus ejusque consuetariis, non quasi quicquam in iis reprehendamus, sed ut plenius doctrinam perspiciamus, ita ut videatur Magister, nos discipuli.

S. XIII.

Disputatum hæcenus de loco **LAERTII** ex mente eorum est, qui eum ad **Logicæ** artificiosæ culturam trahunt; sed nescio an verborum **Græcorum** sententia non alio potius modo exprimi, atque ad loquendi artem trahi debeat. Cæterum dubitationis meæ rationes, chartæ limitibus hic circumscriptus, ad proximum pensum servare cogor; interea tamen non nego, locum istum ad methodum indirecte disputandi occasionem forte egregiam subministrasse.

